

CYNGOR CYMUNED MANORDEILO A SALEM
CYFARFOD 7^{fed} RHAGFYR 2016

Cynhaliwyd Cyngor Cymuned Manordeilo a Salem am 7.30pm ar y 7^{fed} Rhagfyr 2016 yn yr Ystafell Ddarllen, Cwmifor.

PRESENNOL

Cynghorwyr Arwel Davies, Jill Davies, Gwenfil Evans, Hubert Gwynne, Peter Harries, William Loynton, Owen Williams a'r Cynghorydd Sir Joseph Davies.

1. CROESO AC YMDDIHEURIADAU

Croesawodd y Cyng. Joseph Davies bawb i'r cyfarfod; derbyniwyd ymddiheuriadau gan y Cynghorwyr Dorian Jenkins, Doris Jones ac Andrew Thomas.

Cytunwyd y dylid ychwanegu Rheoliadau Ariannol yn Eitem Agenda 6A

2. CADARNHAU COFNODION Y CYFARFOD DIWETHAF

Cynigiwyd gan y Cyng. O. Williams, eiliwyd gan y Cyng. A. Davies gyda phawb yn gytûn, bod cofnodion y cyfarfod diwethaf a gynhaliwyd 9fed Tachwedd 2016, fel ag y maent wedi'u teipio a'u dosbarthu, yn gywir.

Arwyddwyd gan y Cadeirydd

3. DATGANIADAU O DDIDDORDEB

Doedd yna ddim datganiadau o ddiddordeb.

4. MATERION YN CODI

4.4.4.4.5iii) Mae Cronfa A4A y Loteri wedi gofyn am gadarnhad ysgrifenedig gan berchennog pob adeilad yn rhoi caniatâd i osod diffiblwyr ar eu heiddo, cyn rhoi cadarnhad terfynol i dderbyn y grant a bydd y Clerc yn gweithredu ar hyn. Yn dilyn trafodaeth hir mewn perthynas â gosod y pedwar diffiblwyr cytunwyd y dylid eu gosod ar wal allanol sef y tu allan i festri'r capel yng Nghapel Isaac, Neuadd Goffa Heol Galed Salem, Ystafell Ddarllen Manordeilo ac un lleoliad arall ym mhen uchaf Manordeilo sydd heb ei benderfynu hyd yn hyn. Cytunwyd hefyd y byddai'r Cyngor yn edrych i brynu dau diffiblwyr arall ar gyfer Penybanc a Rhosmaen yn y flwyddyn ariannol nesaf. Clerc

4.5ii) Roedd y Clerc yn falch o allu cyhoeddi bod y Cyng. Alun Davies wedi'i roi ar restr fer am Wobr Gwirfoddolwr Chwaraeon y Flwyddyn. Mae Cyngor Sir Caerfyrddin (C.S.C.) wedi gofyn am gynnal cyfweiliad anffurfiol mewn perthynas â gwaith y Cyng. Davies fyddai'n cael ei ddangos yn ystod y Seremoni Wobrwy, Clerc i drefnu. Clerc

4.5ix) Adroddodd y Cyng. P. Harries a'r Clerc fod pwyllgorau neuadd Salem ac Ystafell Ddarllen Manordeilo o blaid gwasanaeth rhyngrwyd am ddim fyddai'n cael ei ddarparu gan 'Blue Wave Internet' a'i ariannu gan Lywodraeth Cymru. Clerc i edrych ar hyn. Clerc

4.13i) Bydd y Cyng. Joseph Davies yn holi am lefelau'r ffordd gyferbyn â'r fynedfa i Geryllan, Cwmifor.

Cyng. J. Davies

5iv) a 5v) Mae manylion am y Cynllun Blwch Teganau Nadolig a mabwysiadu'r blychau ffon wedi'u gosod ar wefan y Cyngor.

5v) Mae diddordeb y Cyngor i fabwysiadu'r blychau ffôn yn Rhosmaen a Salem wedi'i gyflwyno a'i dderbyn gan C.S.C. Yn dilyn trafodaeth bellach ar lefydd posib i osod diffiblwyr yn y dyfodol, cytunwyd y dylid mynegi diddordeb ym mlwch ffôn Penybanc hefyd, Clerc i weithredu ar hyn. Clerc

9) Mewn perthynas â cheisiadau cynllunio E/34646 – Annedd Sengl Ar Wahân a Garej yn rhan ohono a E/34658 – Amrywio'r Amodau Tir, y ddau wrth ymyl Ystafell Ddarllen Manordeilo, mae sylwadau'r Cyngor fel y cytunwyd arnynt yng nghyfarfod mis Tachwedd wedi'u cyflwyno i C.S.C. ac mae ymateb wedi dod i ddweud y bydd y materion a godwyd yn cael eu hystyried wrth iddynt ddod i benderfyniad.

5. GOHEBIAETH

- i) Cyfriflen Banc yr HSBC dyddiedig 15/11/2016 Taflen Rhif 316, Gweddill £471.49 Nodwyd
- ii) C.S.C. parthed cyfarfod Fforwm Cyswllt Cynghorau Tref a Chymuned a'r ymgynghoriad cyhoeddus mewn perthynas â chyllideb y Cyngor Sir i'r dyfodol. Nodwyd
- iii) Comisiwn Ffiniau a Democratiaeth Leol Cymru – Adolygiadau Etholiadol, Polisi ac Arferion. Nodwyd
- iv) Cyfoeth Naturiol Cymru - Yr hyn y gallant ac ni allant ymdrin ag ef. Gwefan
- v) Anfoneb Apêl y Pabi Coch Lleng Brydeinig Frenhinol. Cynigiwyd gan y Cyng. W. Loynton, eiliwyd gan y Cyng. P. Harries gyda phawb yn gytûn y dylid gwneud rhodd o £50 a fyddai hefyd yn talu am gost y dorch. Nodwyd
- Clerc
- vi) Un Llais Cymru, yn cynnwys apwyntiadau cyhoeddus, adroddiadau, hyfforddiant ac ymgynghoriadau. Nodwyd
- vii) Clwb Rygbi Llandeilo RFC, cais am gymorth ariannol. Chwef
- viii) Eisteddfod Genedlaethol Ynys Môn, cais am gymorth ariannol. Chwef
- ix) Cymdeithas Chwaraeon Llandeilo a'r Cylch, cais am gymorth ariannol. Chwef
- x) Cylchgrawn Cymunedol Chwarae Cymru.

6. ADOLYGU'R GYLLIDEB

Oherwydd y cynhelir y cyfarfod yn gynt nag arfer, nid yw'r gyfriflen banc ar gyfer diwedd Tachwedd wedi'i derbyn ac felly ni roddwyd adolygiad o'r gyllideb.

6A. RHEOLIADAU ARIANNOL DIWYGIEDIG

Dosbarthwyd copi o'r Rheoliadau Ariannol Diwygiedig i'r holl Gynghorwyr o flaenllaw a gwnaed newidiadau pellach yn ystod y cyfarfod. Bydd y Clerc yn cynnwys y rhain yn y ddogfen ac yn ail-anfon at Gynghorwyr. Cytunwyd y byddai'r Clerc yn cofrestru'r Cyngor yn gyflogwr gyda CThEM. Clerc

7. GOLEUADAU

- i) Adroddwyd nad yw golau stryd 821/39 Golwg Y Gaer Salem yn gweithio. Clerc i adrodd am hyn wrth C.S.C. ac i holi hefyd mewn perthynas â golau 821/24 wrth gyffordd Golwg Y Gaer. Clerc

8. LLWYBRAU TROED

Dim i'w drafod.

9. CYNLLUNIO

Cytunwyd y dylid cyflwyno'r sylwadau canlynol i Adran Gynllunio C.S.C.:

- | | |
|---------|--|
| E/34748 | Dymchwel Garej sy ar wahân a Chodi Garej wrth ochr yr Annedd MaesyDeri Salem Llandeilo SA19 7LY Mr a Mrs M a B Davies Dim Gwrthwynebiad |
| E/34801 | Newid Defnydd o Ddiwydiannol Ysgafn i Gigyddiaeth ar gyfer Cyflenwi Cartrefi Uned D Ystâd Ddiwydiannol Beechwood Llandeilo SA18 2AB Mr M Jones Dim Gwrthwynebiad |

10. ARDAL CHWARAE CALEDFWLCH

- i) Adroddwyd bod yr holl waith a oedd ar ôl i'w wneud bellach wedi'i gwblhau a chytunwyd, yn amodol ar wneud archwiliad o'r gwaith, y dylid derbyn y ddwy anfoneb sy'n dod i gyfanswm o £2,713.20. Cynigiwyd gan y Cyng. A. Davies, eiliwyd gan y Cyng. P. Harries ac roedd pawb yn gytûn y dylid talu'r swm hwn. Cytunwyd hefyd, a chynigiwyd gan y Cyng. W. Loynton eiliwyd gan y Cyng. Jill Davies ac roedd pawb yn unfrydol y dylai'r taliad ddod o gyfrif y Cyngor Cymuned ac y dylai'r arian am gostau rhent barhau i ddod allan o Gyfrif Maes Chwarae Antur Cwmifor.
- ii) Cytunwyd y byddai'r Cyngor yn ail hadu ac yn rhoi uwchbridd lle y mae ei angen yn y gwanwyn gan hefyd fynd i'r afael ag unrhyw faterion a godwyd gan yr arolwg a wnaed o'r coed. Clerc i gynnwys hyn yn eitem agenda ar gyfer cyfarfod mis Chwefror.

Clerc

11. CYFRIFON I'W TALU

- | | |
|--|------------------|
| i) Rhodd Gŵyl y Goeden i Llyfrau Llafar Cymru (fel y cytunwyd yng Nghyfarfod Tachwedd) Siec Rhif 1195 | £50.00 |
| ii) Apêl y Pabi Coch Lleng Brydeinig Frenhinol, cost y dorch a rhodd, Siec Rhif 1196 | £50.00 |
| iii) Mrs J. Davies, Cyflog y Clerc Rhagfyr 2016, (cynigiwyd gan y Cyng. O. Williams eiliwyd gan y Cyng. W. Loynton gyda phawb yn gytûn) Siec Rhif 1197 | £400.00 |
| iv) Pro-Fence, adnewyddu ac atgyweirio Ardal Chwarae Caledfwlch, Siec Rhif 1198 | £2,713.20 |
| CYFANSWM | £3,213.20 |

12. UNRHYW FATER ARALL

- i) Adroddwyd am gyflwr gwael y fainc ar gyffordd yr A40 â Heol Talylychau ac mae'r Cyng. D. Jenkins wedi cynnig gwneud y gwaith atgyweirio. Cyng. D. Jenkins
- ii) Cytunwyd y dylid adolygu'r meinciau eraill yn ardal y Cyngor yn cynnwys yr un ym Mhont Isaac Cwmifor yn rhan uchaf Manordeilo yn y gwanwyn er mwyn gwneud unrhyw waith adnewyddu yn ôl yr angen. Clerc i'w gynnwys yn eitem agenda ar gyfer cyfarfod mis Chwefror 2017. Clerc
- iii) Y Cyng. Joseph Davies i wneud ymholiadau ynglŷn â biniau baw cŵn ychwanegol i Gwmifor. Cyng. Joseph Davies

Gan nad oedd unrhyw beth arall i'w drafod, diolchodd y Cadeirydd i bawb am fynychu a dymunodd Nadolig Llawn a Blwyddyn Newydd Dda i bawb. Daeth y cyfarfod i ben am 9.00pm.

.....11^{eg} Ionawr 2017
CADEIRYDD